



Sabtu, 02 September 2023
Ogen: Ulangen 17:19-20



Ngoge Gedang-Gedang Geluh



Makin aku banyak membaca makin aku banyak berfikir, makin aku banyak belajar makin aku sadar bahwa aku tidak mengetahui apapun (Voltaire). Pernah nge kita seh ku bas perukuren si bagenda rupana? Si eteh maka situhuna labo kai pe si eteh. Sabab labo terantusi kita kerina si lit i doni enda aminna pe mbue buku enggo si oge. Apaika la ka kita merincuh ngoge. Buku e me jendela dunia, arah ngoge buku banci erbage pemeteah si angka si sedekah enda la ngasup matata ngidahsa. Janah alu ngoge banci ngelatih otak ras pikiran bage pe banci otak erdahin uga arusna. Ertina dikune lanai kita ngoge, maka otakta pe enggo lemah, melala lupa. Lit sekalak orangtua, si la saja matana sehat tapi pe daya ingatna mejile denga.

Bage me arapen nandangi sekalak raja si isuratken i bas renungenta enda. I bas ndatken sekalak raja, salah sada sarat penting si arus lit e me salinen kitab si ibahanna janah kitab e arus iogena gedang-gedang geluhna. Gelah ia tetap ipersingeti maka geluhna arus mpehaga Tuhan ras ngikutken pedahna si isuratken i bas kitab e. Kepatuhen man Tuhan njadikan ia ras kesusurena tetap ndatken perkuah ate Dibata selaku raja. Alu bage ngataken maka sekalak raja arus terus menerus ngoge, sekalak raja arus pentar ras terus menerus erlajar ku kitab undang-undang Dibata.

Ngoge mbelin kal untungna. Alu ngoge melala pemetehta tambah rikut kesehaten mental ras otak pe reh sikapna. Mari sibudayaken kebiasaan ngoge. Kikat ngoge pedauh i bas kita nari. Melala buku siisikapken gerejannta si banci si oge. Bahan PJJ ntah bahan PAta e pe perlu rusur ioge. Sabap melal pemeteah si mbaru isuratken seh akhir tahun. Rikutken pengajuk renungenta enda, ngogelah, segedang umurta tambah pengangkan rikut informasi ras pemetehta.